

ZAPISNIK

SA V ELEKTRONSKE SJEDNICE UPRAVNOG ODBORA BICIKLISTIČKOG SAVEZA BiH

održane 20.10.2021.godine (srijeda), sa početkom u 19.00 sati

Sjednici prisustvovali članovi Upravnog odbora BiSaBiH i to : Toni Zorić, Vladimir Kuvalja, Mirsad Jusić, Amar Njemčević, Goran Garača, Emir Vučijak, Ivan Širić, Ivan Jurilj.

Selektori : Hajrudin Trle i Adnan Mekić (bez prava glasa)

Nacionalni Komesar: Mirnas Mujezinović (bez prava glasa)

Sjednici nije prisustvovao generalni sekretar Goran Guska.

Sjednicu je otvorio predsjednik Upravnog odbora Biciklističkog saveza Bosne i Hercegovine (u daljnjem tekstu UO BiSaBiH), Toni Zorić i predložio sljedeći Dnevni red.

DNEVNI RED

1. Usvajanje zapisnika sa IV sjednice UO,
2. Usvajanje i revizija novih i postojećih pravilnika,
3. Usvajanje pravilnika o klasifikaciji i označavanju brdsko biciklističkih staza,
4. E-bike kategorija na trkama Premijer lige,
5. Nabavka biciklističkih kompleta za reprezentaciju,
6. Zahtjevi takmičara za sufinansiranje odlazaka na takmičenja,
7. Pravilnik prijave takmičenja za kalendar BiSaBiH 2022.godine,
8. Ostalo

Dnevni red usvojen je jednoglasno bez dopuna.

RASPRAVE PO TAČKAMA DNEVNOG REDA

Tačka 1. Usvajanje zapisnika sa IV sjednice UO

Rasprava :

Predsjednik je dao na glasanje da se usvoji zapisnik sa IV sjednice UO BiSaBiH

Zaključak :

Zapisnik sa IV sjednice OU BiSaBiH, usvojen je jednoglasno.

Tačka 2. Usvajanje i revizija novih i postojećih pravilnika

Rasprava :

Amar Njemčević, dao je prijedlog da se izvrše korekcije članova pravilnika o radu OU BiSaBiH 4,8,11,14,16 i 22, te da se pravilnik uskladi sa Statutom BiSaBiH. Također je predložio da se sastanci UO trebaju održavati minimalno 4 puta godišnje.

Emir Vučijak, predložio izmjene pravilnika o radu OU BiSaBiH ,članova 2,3,6,18

Garača Goran, smatra da trebalo u član 10, pravilnika o radu OU BiSaBiH , ubaciti sankcije za članove UO u slučaju odsustva

Također je predložio da se uradi i revizija postojećih pravilnika te da se, za narednu takmičarsku sezonu, pravilnik o radu sudijske organizacije, dopuni.

Prijedlog je bio da se uradi adekvatno rješenje, kojim bi smo konstantno u toku takmičarske sezone, imali ažurirane rang liste po svim kategorijama i disciplinama, te koja bi se objavljivala uz već postojeće rezultate trka.

Hajrudin Trle se u svojoj diskusiji osvrnuo na lošu dosadašnju praksu u primjeni pravilnika o bodovanje takmičara na trkama, te nedosljednost sudijske organizacije kada je ovaj pravilnik u pitanju.

Vladimir Kvalja je podržao ideju o formiranju rang lista, te se ponudio da pronađe najbolje rješenje za izradu iste

Zaključak :

Predlagači su u obavezi u što kraćem roku, dostaviti prijedloge korekcija članova i pisanoj formi, tj. korigovati postojeći pravilnik i sve korekcije i prijedloge istih, označiti crvenom bojom.

Vladimir Kvalja i što kraćem roku treba da provjeri mogućnost izrade svojevrsne aplikacije ili implementacije dosadašnjeg rada sudijske organizacije kroz istu.

Tačka 3. Usvajanje pravilnika o klasifikaciji i označavanju brdsko.biciklističkih staza

Rasprava :

Emir Vučijak se javio za riječ i pomenuo već ranije dostavljen dokument vezan za ovu tačku dnevnog reda. Smatra da bi na znakovima trebalo definisati koje sve logotipi trebaju biti na standardiziranim znakovima.

Ivan Jurilj je pozdravio inicijativu, i predložio da mreža biciklističkih staza bude nešto što će u perspektivi biti približavanje mreži biciklističkih ruta EuroVela. Također je skrenuo pažnju da treba voditi računa o potencijalnim problemima kod postavljanja znakova na saobraćajnicama, zbog procedura i zakonskih regulativa. U skladu sa navedenim, smatra da treba sačekati sa označavanjem staza za cestovni biciklizam i da u narednom period treba biti u fokusu brdski biciklizam.

Predložio je da se document nazove “smjernice”, a da u budućnosti savez mora razmišljati o izradi dokumenta koji bi bio osnova za certifikaciju svih označenih staza u BiH.
Izdavanje certifikata od strane saveza treba biti nešto na čemu moramo raditi.

Mirsad Jusić, smatra da bi logo saveza BiSaBiH, na znakove, kao i izdavanje certifikata u budućnosti, trebala biti referenca za sve korisnike smjernica.
U ovome vidi veliki potencijal!

Ivan Jurilj, stava je da smjernice treba distribuirati svim klubovima i kreirati uslove o certifikaciji drugim dokumentom, koji bi imao formu pravilnika, koji bi sadržavao minimalne standard za dobijanje istog.

Zaključak:

Usvaja se dokument pod nazivom “Smjernice o klasifikaciji i označavanju biciklističkih staza”, a Emir Vučijak je preuzeo obavezu da u navedeni document unese korekcije koje je predložio UO BiSaBiH.

Tačka 4. E-bike kategorija na trkama Premijer lige

Rasprava :

Amar Njemčević je predložio da se u pravilnik o trkama uvrsti ova disciplina sa kategorijama do 18 o prego 18 godina. Smatra da se radi o velikom potencijalu, sjajnoj zabavi i da to mora biti čisto rekreativna kategorija.

Mora se povesti računa da ova kategorija ne smije uticati na ishod trka postojećih kategorija, te bi pravilnikom trebalo i to regulisati. Potrebno je za početak se voditi UCI pravilnikom, a eventualne korekcije donijeti nakon prve godine implementacije.

Vladimir Kvalja, smatra da se ove trke moraju jasno definisati, kategorisati i uvesti veće starnine za istu. Kreirati dobar pravilnik te ozbiljno i studiozno pristupiti njegovoj izradi, kako bi se izbjegle neželjene nesuglasice, problem na samim trkama i eventualni loš uticaj na već postojeće trke, vozače i rasprave sa sudijama.

Nije pristalica E-bike, ali zbog trendova podržava uvođenje ove kategorije.

Mirsad Jusić, također predlaže kreiranje jasnog pravilnika, sa definisanim ograničenjima kod tehničkih karakteristika E-bike, a smatra da ćemo ovim privući novu kategoriju vozača i omasoviti postojeće trke.

Zaključak :

Amar Njemčević je preuzeo obavezu da pripremi pravilnik za ovu kategoriju i predstavi ga na narednoj sjednici UO.

Tačka 5. Nabavka biciklističkih kompleta za reprezentaciju

Rasprava:

Vladimir Kvalja je postavio pitanje vezano za odabir dobavljača i za ponude. Predložio je da takmičari sami sebi kupe komplete, a ne da se zadužuju, što je bila dosadašnja praksa.

Toni Zorić se složio sa prijedlogom Kvalje, rekao da su ponude zatražene od dva proizvođača, a to su ALE i Quest iz Hrvatske. Također je zadužio Amara, Trleta i Adnana, da naprave spiskove za nabavku setova i spiskove vozača koji žele kupiti set reprezentacije BiH.

Mirsad Jusić, smatra da trenutno nismo u situaciji da takmičarima ponudimo varijantu otkupa kompleta, jer nemamo takvu strukturu vozača. Razmisliti o drugim varijantama, kao što su eventualni depozit koji bi bio garancija, otkup dresa po želji takmičara .

Hajrudin Trle je stava da se nabave kompleti za obje reprezentacije i po dvije garniture nosiocima timova - kapitenima. Navodi da nisu refundirani troškovi odlaska reprezentacija na određena takmičenja i apeluje na UO da to uradi.

Adnan Mekić predlaže da se kupe dresovi za A selekciju, a za ostale da se omogući kupovina. Također je stava da se mora kreirati pravilnik o upotrebi opreme saveza.

Emir Vučijak predlaže da se kompleti nabave, ali da selektori vode računa o njima i evidenciju zaduženja.

Zaključak:

Nakon dostavljenih spiskova i konačnog rješenja i dizajna biciklističkog kompleta selekcija i Državnih prvaka, UO će donijeti odluku o načinu raspodjele istih.

Tačka 6. Zahtjevi takmičara za sufinansiranje odlazaka na takmičenja

Rasprava :

Mirsad Jusić smatra da se trebaju refundirati svi zaostali troškovi koje su imale nacionalne selekcije na nastupima u ovoj sezoni.

Adnan Mekić je izrazio želju da se evidentira, da je on lično dao svoj doprinos za obje selekcije, kada je dao svoje vozilo za odlazak na EP, ugostio sve učesnike Balkanskog prvenstva u Bihaću i sufinansirao dolazak Kondića u Sarajevo.

Amar Njemčević je rekao da bi trebalo uraditi izvještaj o do sada isplaćenim sredstvima, te naglasio da je dosadašnja praksa isplate sredstava bez bilo kakvog plana ili pravilnika, loša.

Zaključak :

Zbog trenutne finansijske situacije, UO je donio odluku da se prolongira refundacija sredstava.

Tačka 7. Pravilnik prijave takmičenja za kalendar BiSaBiH 2022.godine

Rasprava:

Amar Njemčević predlaže da se rok za prijave trka u kalendar BiSaBiH produži, ali da nikako ne smijemo dopustiti prijavu trka poslije toga roka.

Goran Garača, podržava prijedlog kolege Amara i nije za prijave trka poslije isteka roka

Zaključak:

UO je donio odluku da se uradi raspis prijave trka za narednu sezonu.
Eventualne prijave trka koje nisu u kalendaru mogu biti uvrštene i bodovane isključivo pod uslovima da o toj sezoni savez nema dovoljan broj trka u toj disciplini, da se trka prijavi 3 mjeseca ranije i da UO odlučuje o uvrštavanju trke u kalendar i bodovanje za tekuću sezonu.

Tačka 8. Ostalo

Rasprava :

Toni Zorić je predložio da se imenuju direktori Cestovne i MTB selekcije, te smatra da je to nešto što je neophodno za naredni period, zbog lakše organizacije, planiranja i troškova.

Zaključak :

U narednom period imenovati direktore Cestovne i MTB reprezentacije.

Zapisnik sačinio :

Goran Garača

Predsjednik UO BiSaBiH

Toni Zorić